



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 150. Orationes Funebres in laudem Eugenii Papæ

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV.
 A.C. 1447.

§. CXLIX.

*Cardinalis Capuanus Romam
 reversus.*

Demortui Papæ exequiis per novem dies de more actis, Cardinales, quorum octodecim Romæ morabantur, pomeridianis horis ad Ecclesiam S. Mariæ supra Minervam conveniebant, de futura electione deliberaturi. Intererat quoque Cardinalis Columna, quem totus populus, & potissima Cleri pars reducem festivis exclamationibus excipiebat, atque ad summi Pontificatus honores, ceu Virum doctrinæ laude, ac vitæ exemplo clarissimum, assumi peroptabat. Attamen horum vota a sacri Collegii consiliis longe diversa erant.

§. CL.

*Orationes Funebres in laudem Eugenii
 Papæ.*

Eugenii laudes duplici oratione funebri celebrabantur. Primam dixerat Mulatesta Auditor Rotæ, qui præsentem Romanæ Curiaë statum vivis admodum coloribus depinxit. Alteram Cardinalis Bononiensis habuit, in qua de modo ad electionem procedendi differebat, atque inter cetera exclamabat: procul sint odia, exulent favores: tanta demum verborum vi,
 tanta-

tantaque dicendi gratia utebatur, ut ejus Sæcul. XV.
A. C. 1447.
 auditores hunc Virum summo Pontificatu dignum haberi, haud vano præfatio sibi alter alteri insinuasse audirentur. Cardinales, justis de more Eugenio persolutis, in sacrario monasterii apud S. Mariam super Minervam conclave habere decreverunt, obluctantibus nequicquam Canonicis Basilicæ S. Petri, qui electionem in Palatio Vaticano consueto summorum Pontificum domicilio pleniori libertate perfici posse contendebant. Tandem vero tres Cardinales ex S. Collegio præcipui communi ceterorum assensu omnes conclavis aditus custodibus munierunt, & quatuor portarum claves Ravennatensis, Aquilejensis, & Sermo-
 netani Archiepiscoporum, necnon Anconitani Episcopi fidei comiserunt, qui omnes in Capitolio, cujus præsidio equitum Rhodiorum Legatus præerat, habitabant. Procuratori Generali Carmelitarum Excalceatorum (*) demandata est Capitolii custodia, portam tamen castelli S. Angeli muro obstructam fuisse non legimus.

§. CLF.

(*) Haud dubie legendum est *Calceatorum*, cum S. Theresia Carmelitarum Discalceatorum Parens primum anno 1515. lucem aspexerit, reformationem Virorum anno 1568. incœperit, ac demum anno 1582. fatis functa sit.